



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

3 SEPTEMBER 2022 (SABTU)



KERATAN AKHBAR DAN MEDIA ONLINE (KPDNHEP)

3 SEPTEMBER 2022 (SABTU)

Remaja antara 10 suspek ditahan disyaki seleweng diesel

Klang: Kementerian Perdagangan Dalam Negeri dan Hal Ehwal Pengguna (KPDNHEP) Selangor menahan 10 suspek, termasuk seorang remaja disyaki terbabit dalam sindiket penyelewengan diesel bersubsidi di kawasan perindustrian Bandar Bukit Raja, di sini malam kelmarin.

Pengarah KPDNHEP Selangor, Mohd Zuhairi Mat Ready, berkata serbuan itu susulan risikan selama tiga minggu yang mana terdapat aktiviti keluar masuk kenderaan dalam keadaan mencurigakan di kawasan terbabit.

Beliau berkata, siasatan mendapati, wujud urus niaga jual beli diesel dari stesen minyak berdekatan premis itu.

"Ketika serbuan kira-kira jam 10 malam, pasukan mendapati suspek sedang menyelenggara dan menjalankan proses pengisian diesel bersubsidi itu.

"Pasukan serbuan menahan + 10 lelaki, termasuk empat warga tempatan dipercayai pemandu lori, manakala enam warga Myanmar sebagai pekerja menjaga premis.

"Semua suspek yang berusia lingkungan 17 tahun hingga 50-an itu ditahan bagi siasatan lanjut," katanya pada sidang media di premis terbabit di sini, semalam.

Mohd Zuhairi berkata, pihaknya turut merampas tiga kenderaan, diesel serta lain-lain peralatan serta barang.

"Anggaran nilai rampasan minyak diesel adalah RM97,200," katanya.

Aktiviti di kawasan elit

Beliau berkata, siasatan mendapati aktiviti penyelewengan di premis itu aktif beroperasi sejak tiga bulan lalu.

"Berdasarkan pemerhatian, mereka menjalankan aktiviti ini di kawasan yang boleh dikatakan elit, bukan kawasan yang biasa dilihat.

"Jadi, ini adalah satu daripada cara penyamaran bagi mengelakkan dikesan pihak berkuasa. Kita juga sedang menyiasat mengenai status premis ini," katanya.

Katanya, siasatan lanjut dijalankan ke atas 10 tahanan bagi mengenal pasti individu atau mana-mana pihak yang terbabit secara langsung di dalam aktiviti bersindiket ini.

Beliau berkata, kes disiasat mengikut Seksyen 20 (1) Akta Kawalan Bekalan 1961, Seksyen 21 AKB 1961, Peraturan 3 PPKB 1974 dan Peraturan 18 (1) PPKB (Pindaan) 2021.

10 lelaki selewang diesel subsidi dicekup

Klang: Kementerian Perdagangan Dalam Negeri dan Hal Ehwal Pengguna (KPD-NHEP) Selangor menahan 10 lelaki termasuk enam warga asing yang disyaki terbahit dalam kegiatan penyelewengan diesel bersubsidi kelmarin.

Pengarahnya Mohd Zuhairi Mat Radey berkata penahanan itu dibuat di sebuah premis perindustrian di Bandar Bukit Raja di sini hasil risikan sejak tiga minggu lalu yang mengesan aktiviti keluar masuk kenderaan mencurigakan di bangunan itu.

"Operasi dibuat pada 10 malam dan berjaya menahan kesemua suspek berusia antara 17 tahun hingga 50-an di premis terbabit



Operasi dibuat pada 10 malam dan berjaya menahan kesemua suspek berusia antara 17 tahun hingga 50-an di premis terbabit"

Mohd Zuhairi

dengan empat lelaki tempatan bekerja sebagai pemandu lori, manakala enam warga Myanmar bertugas sebagai pekerja menjaga premis," katanya pada sidang media di lokasi serbuan, semalam.

Beliau berkata sindiket itu menjalankan aktiviti penye-

lewengan diesel bersubsidi di kawasan elit (perindustrian) berbanding kawasan yang biasa berlaku jenayah itu sebagai taktik untuk mengelak dikesan.

Katanya, kegiatan haram itu dijalankan sejak tiga bulan lepas memabatkan pembelian bahan api di stesen minyak berdekatan.

Mohd Zuhairi berkata pihaknya menyita diesel bernilai RM97,200 selain tiga buah lori, enam unit tong 'Intermediate Bulk Containers' (IBC), dua tangki skid berisi diesel dan peralatan pam penyedut.

Beliau berkata siasatan diteruskan di bawah Akta Kawalan Bekalan 1961 bagi mengesan individu lain yang terbabit.



MOHD Zuhairi (dua dari kanan) meninjau operasi membanteras penyelewengan diesel di kawasan perindustrian Bandar Bukit Raja, Klang.

Sindiket seleweng diesel subsidi tumpas

10 individu ditahan dalam serbuan di Bukit Raja

Oleh MUHAMMAD AMINURALIF MOHD ZOKI SHAH ALAM

Seramai 10 individu ditahan dalam serbuan di sebuah premis dipercayai menjalankan kegiatan penyelewengan minyak diesel bersubsidi dengan rampasan bernilai RM97,200 di Bukit Raja di sini pada Khamis.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Selangor, Mohd Zuhairi Mat Radey berkata, serbuan dijalankan pihaknya sekitar jam 10 malam.

Menurut beliau, berdasarkan maklumat risikan dipercayai terdapat aktiviti keluar masuk kenderaan yang dalam keadaan mencurigakan di lokasi premis tersebut.

"Risikan yang dijalankan sebelum itu mendapati wujud urusan jual beli diesel daripada stesen-stesen minyak yang terletak berdekatan dengan premis yang diserbu.

"Serbuan dijalankan kemudian menahan 10 orang lelaki, empat daripadanya me-



Mohd Zuhairi (dua dari kanan) dan pegawainya memeriksa pam yang menyedut minyak diesel subsidi di sebuah premis di Bukit Raja, Shah Alam pada Khamis.

rupakan warga tempatan yang dipercayai bertindak sebagai pemandu lori, manakala enam lagi merupakan warga Myanmar yang didapati bekerja sebagai pekerja menjaga premis," katanya dalam satu kenyataan pada Jumaat.

Mohd Zuhairi berkata, pihaknya turut merampas dan menyita beberapa buah kenderaan, bahan api jenis diesel serta pelbagai peralatan dan barangan ketika serbuan.

"Kesemua rampasan melibatkan nilai rampasan sebanyak RM97,200.

"Antara yang dirampas ialah tiga buah lori, enam unit tong jenis IBC (*intermediate bulk containers*), dua tong jenis *skid tank*

yang berisi disyaki jenis diesel dengan anggaran jumlah 19,400 liter dan peralatan jenis pam penyedut minyak sejumlah empat unit," ujar beliau.

Beliau memberitahu, kes disiasat di bawah Seksyen 20 (1) Akta Kawalan Bekalan 1961, Seksyen 21 Akta Kawalan Bekalan 1961 dan Peraturan 18 (1) Peraturan Barang Kawalan Berjadual (Pindaan) 2021.

Tambah beliau, KPDNHEP Selangor tidak akan berkompromi dalam menguatkuasakan undang-undang untuk membanteras sindiket penyelewengan barang kawalan dan barangan bersubsidi termasuk diesel demi menjaga kepentingan pengguna lain.

Sewa pejabat mewah selindung jual diesel

Oleh MOHAMAD NAUFAL
MOHAMAD IDRIS

KLANG – Satu sindiket dipercayai menjalankan aktiviti menjual minyak diesel bersubsidi secara haram dengan berselindung di sebalik pejabat mewah di kawasan perindustrian Bandar Bukit Raja di sini ditumpaskan pihak berkuasa malam kelmarin.

Serbuan dijalankan sepasukan pegawai dan anggota Kementerian Perdagangan Dalam Negeri dan Hal Ehwal Pengguna (KPDNHEP) Selangor pada pukul 10 malam.

Pengarah KPDNHEP Selangor, Mohd. Zuhairi Mat Radey berkata, operasi tersebut dijalankan selepas pihaknya menerima aduan berhubung aktiviti mencurigakan di lokasi tersebut daripada orang awam selain risikan daripada pasukannya selama tiga minggu.

"Semasa serbuan dijalankan pada pukul 10 malam semalam (Khamis), terdapat kira-kira 10 individu dipercayai pekerja sindiket terbabit sedang menjalankan kerja-kerja memindahkan minyak diesel dari lori ke dalam tangki.

"Kami memberkas kesemua suspek yang terdiri daripada empat warga tempatan serta enam warga Myanmar berumur 17 hingga 30 tahun bagi membantu siasatan," katanya ketika ditemui selepas meninjau premis berkenaan di sini semalam.

Menurut Mohd. Zuhairi, sindiket tersebut dipercayai membeli diesel bersubsidi di beberapa stesen minyak di sekitar daerah ini.



MOHD. ZUHAIRI (tengah) melihat pam penyedut minyak ketika meninjau sebuah premis yang diserbu KPDNHEP Selangor di Bandar Bukit Raja, Klang semalam.

Mereka kemudian mengaut keuntungan dengan cara menjual bahan bakar itu kepada pihak industri pada harga yang lebih murah.

Ini sekali gus, kata Mohd. Zuhairi, sindiket itu mendapat 'untung atas angin' hasil daripada aktiviti haram yang mereka lakukan tersebut.

"Pihak kami telah merampas dan menyita sebanyak tiga buah lori, enam unit kontena (Intermediate Bulk Containers), dua tong tangki (skid tank) yang

berisi minyak diesel yang dianggarkan berjumlah 19,400 liter serta empat unit pam penyedut minyak.

"Kesemua bahan rampasan tersebut dianggarkan bernilai RM97,200," kata beliau.

Mohd. Zuhairi memberitahu, pihaknya masih menjalankan siasatan bagi mengenal pasti pemilik premis pejabat berkenaan.

Tambahnya, kes tersebut disiasat di bawah Akta Kawalan Bekalan 1961.



Busted: Mohd Zuhairi (second from right) and KPDNHEP officers looking at the seized equipment during the raid on an industrial building in Bandar Bukit Raja, Klang. — Bernama

10 held for smuggling diesel

KLANG: Ten men, including six Myanmar nationals, have been detained by the Domestic Trade and Consumer Affairs Ministry (KPDNHEP) for suspected involvement in subsidised diesel smuggling.

Selangor KPDNHEP director Mohd Zuhairi Mat Radey said the suspects were detained on Thursday night based on intelligence gathered on an industrial building in Bandar Bukit Raja for over three weeks, with vehicles spotted entering and exiting the building.

He said an operation was conducted at 10pm and the suspects were aged between 17 and 50 years old.

"Our intelligence revealed that the syndicate has been conducting subsidised diesel smuggling activities for the past three months in areas not usually associated with such crimes, and we feel that this is their tactic to evade detection," he told reporters yesterday.

Diesel worth RM97,200 was seized, along with three lorries, six intermediate bulk con-

tainers, two skid tanks filled with diesel and fuel siphoning equipment.

The case is being investigated under the Control of Supplies Act 1961, he added, Bernama reported.

Meanwhile, police in Melaka seized 35,970 litres of diesel and arrested three men in a raid at the Krubong industrial area on Thursday.

Melaka Tengah OCPD Asst Comm Christopher Patit said RM26,000, two lorries, three tanks, four fuel pumps and five hoses were also seized in the raid.

"We conducted surveillance and intelligence gathering for two weeks before launching the raid," he told reporters.

He said the subsidised diesel was sold lower than the market price of RM2.15 per litre before it was resold to industrial clients at RM3.50 to RM4 a litre.

He said the three store caretakers would be handed over to KPDNHEP for prosecution under the Control of Supplies Act 1961.

Stor seleweng bahan api bersubsidi dalam semak kena serbu



ANGGOTA polis memeriksa tong drum berisi bahan bakar bersubsidi di Kampung Kok Mak, Padang Besar, Perlis kelmarin.

PADANG BESAR – Taktik licik satu sindiket penyelewengan bahan bakar bersubsidi beroperasi di kawasan semak samun dibongkar polis di Kampung Kok Mak di sini kelmarin.

Ketua Polis Daerah Padang Besar, Asisten Komisioner Mohd. Shokri Abdullah berkata, serbuan pada pukul 2.30 petang itu berjaya menemui stor haram yang menyimpan minyak petrol dan diesel.

Katanya, intipan selama dua jam yang dilakukan di kawasan tersebut mendapati tiada seba-

rang pergerakan individu yang mencurigakan.

"Pemeriksaan lanjut menemui 17 tong drum berisi diesel dan petrol disembunyikan di kawasan semak samun dengan dilitupi kanvas berwarna biru.

"Kita kemudian merampas kira-kira 80 liter minyak diesel, 3,100 liter petrol, satu unit pam sedut minyak dan dua unit hos getah dengan nilai keseluruhan rampasan berjumlah RM10,425," katanya dalam kenyataan di sini semalam."

Ujarnya, siasatan awal polis

mendapati, jarak stor haram dengan jalan utama adalah kira-kira 150 meter dan terletak jauh dari kawasan perumahan dengan lahan yang agak sunyi.

"Rampasan diserahkan kepada pihak Kementerian Perdagangan Dalam Negeri dan Hal Ehwal Pengguna untuk tindakan lanjut," jelasnya.

Kes disiasat di bawah Seksyen 21 Akta Kawalan Bekalan 1961 iaitu memiliki barang kawalan untuk kesalahan di bawah Peraturan 3(1) Peraturan Kawalan Bekalan 1974.

Diesel subsidi jual di pasaran gelap terbongkar

MELAKA - Polis berjaya menggagalkan aktiviti penyelewengan minyak diesel bersubsidi dianggarkan bernilai RM302,535 dalam serbuan di sebuah stor simpanan haram di Kawasan Perindustrian Krubong di sini pada Khamis.

Serbuan jam 4 petang itu dilakukan pasukan anggota dari Cawangan D9 Ibu Pejabat Polis Kontinjen Melaka turut menahan tiga penjaga stor termasuk dua warga asing.

Ketua Polis Daerah Melaka Tengah, Asisten Komisioner Christopher Patit berkata, hasil pemeriksaan menemui sebuah lori tiga tan, lima unit tangki, empat set pam minyak selain turut merampas hampir 36,000 liter diesel dipercayai untuk pasaran gelap.



Christopher (dua dari kiri) menunjukkan lori tiga tan diubah suai bagi mengisi diesel subsidi yang diseleweng.

Menurut beliau, siasatan awal mendapati kumpulan sindiket yang beroperasi sejak dua bulan lalu akan membeli minyak diesel di stesen-stesen

minyak sekitar Melaka dan Negeri Sembilan, menggunakan lori tiga tan yang diubah suai," katanya dalam sidang media di sini pada Jumaat.

Trader fined for having fake shoes

MELAKA: A sales assistant has been fined RM55,000 by a Sessions Court in Ayer Keroh here for having more than 4,000 counterfeit branded shoes.

Loke Yee Fei, 36, pleaded guilty after the charge was read to him before judge Nariman Badruddin yesterday.

The court ordered him to serve five months in jail if he could not settle the fine.

Based on the charge sheet, Loke was found in possession of 4,277 pairs of "branded" shoes at a premises in Jalan Nangka 3, Taman Rumpun Bahagia, at 4.30pm on March 31.

The online trader was charged under Section 102(1)(C) of the Trade Descriptions (Amendment) Act 2019.

A first offence carries a RM10,000 fine for each counterfeit item, three years' jail or both, upon conviction.

Loke was represented by lawyer Kent Tan Chow Teng.

Stok telur ayam berkurangan di Johor Bahru

Johor Bahru: Pengguna di bandar raya ini mengeluh kerana sukar mendapatkan telur ayam berikutan stoknya didakwa berkurangan sejak seminggu lalu.

Tinjauan di kedai runcit dan pasar mini sekitar Pandan dan Iskandar Puteri di sini, semalam mendapati kebanyakan premis sudah kehabisan stok telur masing-masing.

Rak-rak tempat jualan telur juga dilihat kosong dan hanya kelihatan beberapa papan telur ayam kampung, telur masin selain telur puyuh di hampir semua premis berkenaan.

Pengguna, Nor Azura Md Amin, 32, berkata sejak seminggu lalu beliau sukar mendapatkan telur ayam berikutan ia sering kehabisan di pasaran sekitar bandar raya berkenaan.

"Sudah seminggu lebih saya sukar mendapatkan telur di pasaran sekitar. Selalunya saya beli sepapan telur untuk hidangan keluarga.

"Saya ada bertanya pada kakitangan pasar raya dan mereka mendakwa tidak banyak stok telur yang dihantar pembekal namun tiada alasan kenapa stok tidak banyak," katanya ketika ditemui.

Dalam pada itu, Pengurus Besar Econsave, Mas Imran Adam, berkata beliau turut

bingung dengan kekurangan bekalan telur ayam yang masih berlaku walaupun ketika ini bukan musim perayaan.

"Ya, rangkaian pasar raya kami turut mengalami kekurangan bekalan telur sejak beberapa bulan kebelakangan ini.

"Pesanan dibuat seperti biasa, namun pembekal tidak menghantar jumlah pesanan yang dibuat menyebabkan bekalan telur sering kehabisan dan menjadi rungutan pengguna," katanya.

Bagaimanapun, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Johor, Hairul Anuar Bohro, ketika dihubungi berkata, tiada isu bekalan telur di bandar raya menerusi semakan dilakukan.

"Kemungkinan pusingan belian yang tinggi menyebabkan berlaku kehabisan bekalan telur di banyak lokasi di bandar raya berkenaan.

"Kita sudah hubungi pembekal dan mereka memaklumkan stok telur baharu dijangka sampai esok (hari ini).

"Namun, kita akan tetap membuat pemantauan bagi memastikan bekalan telur tidak menghadapi masalah sekali gus meresahkan pengguna," katanya.

Senarai Harga Barang Keperluan	
• Ayam	RM8.29
• Daging Lembu Tempatan	RM39.00
• Daging Lembu Import	RM65.90
• Telur Gred A	RM13.35
• Ikan Kembung	RM11.99
• Minyak Masak	RM6.70
• Gula Pasir	RM2.80
• Bawang Besar Holland	RM2.99
• Bawang Putih	RM5.50
• Cili Merah	RM14.00
• Kubis Bulat Tempatan	RM4.00
• Tepung Gandum	RM3.29

*Harga (RM/kg) Sumber: KPDNHEP